

Inuinnaat aamma suliffeqarfinni assigisaannilu sulisunut pisortatigoortumik digitalimik atsiornertalimmik NemID-mik pilersitsisarneq pillugu inatsisip Kalaallit Nunaanni atuutilersinneqarnissaannik peqqussut

UAGUT MARGRETHE AAPPAAT, Guutip Saammaassineratigut Danmarkip Dronningia, nalunaarpugut:

§ 7 inatsimmi nr. 439, 8.maj 2018-imeersumi Inuinnaat aamma suliffeqarfinni assigisaannilu sulisunut pisortatigoortumik digitalimik atsiornertalimmik NemID-mik pilersitsisarneq pillugu aalajangiunneqarpoq, inatsit imatut oqaasertaqartillugu Kalaallit Nunaannut atuutilersinneqassasoq:

§ 1. Pisortat nutaaliornerrannut ministerip suliffeqarfik namminersortoq toqqassavaa, suliffeqarfllu toqqarneqartoq inuinnaat aamma suliffeqarfiit assigisaasalu pisortatigoortumik digitalimik atsiornertalimmik NemID-mik pilersitsisarnermik aqutsisuusussaq aalajangiisartuullunilu.
Imm. 2. Pisortat nutaaliornerrannut ministeri malittarisassanik aalajangersaasassaaq NemID-p aqutsiviginissaa pillugu, matumani ilanngullugit NemID-mik pilersitsisarneq aamma matusisarneq kiisalu suliarinnittarneq pillugu malittarisassat.

§ 2. Pisortat nutaaliornerrannut ministerip toqqarsinnaavai suliffeqarfiit inatsisilerinermik suliaqartut nalunaarsuisarfusussat aammalu inuinnaat pisortatigoortumik digitalimik atsiornertalimmik NemID-mik pilersitsivigineqarnissaminnik qinnuteqartut aalajangiiffigisarnissaannut suliassanik isumaginnittartussat.

§ 3. Pisortat ingerlatsinerat pillugu inatsit malineqartassaaq aalajangigassani suliffeqarfinnit namminersortunit § 1. imm. 1 naapertorlugu toqqarneqarsimasut aalajangiiffigisassaani. Pisortat ingerlatsineranni suliassat suliarineqartarnerat pillugu Inatsiartut inatsisaat malinneqartassaaq aalajangigassani Kalaallit Nunaanni nalunaarsuisarfiit aalajangiiffigisassaanni. tak. § 2.

§ 4. Inuinnaat 15-inik ukioqalereersimasut inuttullu normoqalersimasut § 1, imm. 2 naapertorlugu malittarisassat malillugit pisortatigoortumik digitalimik atsiornertalimmik NemID-mik pilersitsivigineqarnissaminnik qinnuteqarsinnaapput.
Imm. 2. Suliffeqarfiit assigisaallu CVR-normullit § 1, imm. 2 naapertorlugu malittarisassat malillugit suliffeqarfinni taamaattuni sulisunut pisortatigoortumik digitalimik atsiornertalimmik NemID-mik pilersitsivigineqarnissaannik qinnuteqarsinnaapput.

§ 5. Suliffeqarfiup namminersortup § 1, imm. 2 naapertorlugu toqqarneqarsimasup imaluunniit tak. § 2, nalunaarsuisarfiup § 1, imm. 2 naapertorlugu malittarisassat malillugit aalajangiiffigisimasaat pillugu naammagittaalliutit Danmarkimi Digitaliseringsstyrelsimut suliaassanngortinneqarsinnaapput.

Imm. 2. Danmarkimi Digitaliseringsstyrelsip suliffeqarfik namminersortoq § 1, imm. 1 naapertorlugu nalunaarsuisarfittut toqqarneqarsimasooq aamma tak. § 2, paasissutissanik sunilluunniit piunasaqarfigisinnaavaa, naammagittaalliornermut atatillugu suliarinninnissaamut pingaaruteqartunik.

Imm. 3. Imm. 1 malillugu Digitaliseringsstyrelsip aalajangigai susassaqarfimmut allamut maalaarutigineqarsinnaanngillat.

§ 6. Peqqussut atuutilersinneqassaaq 1. januar 2019.

Amalienborg-imi tunniunneqarpoq ulloq 11. december 2018

Kunngisut atsiorpugut naqissusiillutalu

MARGRETE R.

/ Sophie Løhde

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut